

KUMPUAN
KHAWTLANG NUN
SIAMTHAT

YMA

AW



Central YMA Central Executive Committee (CEC) meeting neih a ni

Branch News

Chanmari West April 24: Ni 19.4.2011 (Thawhlehni) khan Central YMA Committee Room-ah Central Executive Committee (CEC) Meeting neih a ni. Meeting hi Pu J.H. Zoremthanga, Vice President-in a kaihruai.

Thurel tlangpuite :- CAG Report-a Central YMA-in hna tanhma a bill lem siama Revenue Department atanga cheng nuai 20lachhuak ang tarlan chu pawisa hi Central YMA-in a la chhuak lova, sum hi cheng khat mah a dawng lova, Branch YMA ten Survey hna thawkin a hawk zo apiangin Revenue atangin pawisa hi an lak zawk thu Press Release hmanga siam a ni. YMA General Conference hun SAY ten sawn an dilna chu rampum huapa Committee sangber CCC in a lo rel tawh bakah rampumah puanzar a ni tawh avangin a hun ngaia kaihruai nise ti a ni. Vai Mistiri leh Helper hlawh chungchang CCC lo rel tawh

chu Sub-Hqrs./Group leh Branch ah thawnchhuah nise, Local Council/Village Council te thawhpua sawm ni bawk se. He meetingah hian Chhinga Veng, Ramhlun Sports Complex leh Republic Vengthlang atanga Life member nih dilte remtih a ni a, Kolasib Sub-Hqrs.- Serlui Group huamchhunga Vairengte Field Veng dinthar pawmpui an dilna chu pawmpui a ni bawk. Heng bakah hian Sub-Committee hrang hrang hmalakna hrang hrang sawiho a ni bawk. Krista Hnungzuitute Tawngtai Bethel Camping Centre, Chawnpui chu In sak belhna tur atan ` 50,000.00 a tanpui nise ti a ni bawk.

Tunkar lo awm tur Ni 26.4.2011(Thawhleh) zan khian rokhawlhna a awm loh chuan Branch Executive Committee koh tum a ni.

Kan Branch President Office Duty-a khawthlanglam a zin pawh dam takin a lo haw leh ta.

HSSLC Result chhuakah kan veng atanga passed te Branch YMA chuan a lawmpui tak zet a ni.

Central YMA a kan Branch Budget ` 6900/- leh Annual fee ` 100 chu pek tlak a ni

Pu TC Lalhmangaiha Branch Executive Member puzawn Pu H.Nghakliana, Kum 82 Siphir a mi chu Ni 22.4.2011(Zirtawp) khan a boral.

PEM LUT

Pu Hmangaihawia te chhungku, Chanmari atanga rawn pem. Pu K.Vanlalfela 'K' Section te In luah.

RUANG CHHUAK

Ni 19.4.2011(Thawhleh) zanlai khan Pi Biaknguri Khawzawl khua chu, Damdawi In-ah a boral a, a ruang hi Pi Zopari 'V' Section In atangin thawnchhuah a ni.

YMA Park Primary School buatsaih Tantia Inter Branch YMA Cricket Tournament chu zawhfel a ni ta a, Chanmari Branch YMA Team ten Ramhlun Venglai Branch YMA Team te hnehin an Champion. He inkhelah hian Chanmari in Bat hmasain Run 150 an siam a, chu chu umin Ramhlun Venglai te hian Over 20 ah Run 138 chauh an siam theih avangin Chanmari Branch YMA te hi a vawi-3 nan an Champion ta a ni.

2011-2012 atana Chanmari West Sporting Club hruaitu tur thlang

Ni 19.4.2011(Thawhleh) zan khan Kum 2011-2012 atana Chanmari West Sporting Club (CWSC) hruaitu tur thlanna chu Indoor Stadium-ah R.O. Pu RL.Thanhnuna kaihruaina in neih a ni a, he hunah hian Sporting Club member thahnem tak kal khawmin hun hlimawm tak an hmang a ni.

Kum 2011-2012 chhung a CWSC hruaitu atan heng mite hi thlanchhuah an ni :-

President	:	C.Lalzarliana
Sr.Vice President	:	H.Lalramhluna
Vice President	:	C.Lalthanzuala
General Secretary	:	C.Zonunsanga
Asst.Secretary	:	RK.Rozidinga
Joint Secretary	:	Vanlahluta
Treasurer	:	R.Lalsangzuala
Fin.Secretary	:	Lalliansanga

Heng thlan chhuah te hian Sub-Committee hrang hrang hruaitu turte an la ruat leh dawn a ni.

Fimkhur tawk loh avanga kumtin ram kan tiikan thin avang hian Mizoram rohlu - thing leh mau leh nungchate nasa takin kan tikhawlo thin.

Ram tikang lo turin mitinte i fimkhur tlang ang u.



TUN KAR CHANGVAWN

Isuan a (Thoma) hnен, "Nang chuan mi hmuh avangin i ring a ni; hmu lova ring apiang te chu an eng a thawl e," a ti a. Johana 20:29

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production**Manager**

R.Lalhmachhuana
9436151817

Branch Office Bearer**President**

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh.II Tim 4:5

Editorial : Sawrkar a awm theihna tur hian mimal, chhungkua leh ram a awm a ngai a. Chutiang bawk chuan kan thupui 'Khawtlang Nun Siamthat' hi a hlawhtlin theih nan chuan Section leh Branch kan intel-khawm that sauh sauh zel a pawimawh hle mai. Chutih lai chuan kan kumpuanah chauh hian kan insawrbing ang tih a erawh chu thil hlauhawm tak a ni thei awm e. Lalpa ram tana thawktu, kan mihrang huaisen kal ta ten he 'Hunawl hman that, Zofate hmasawnna ngaihtuah, Kristian nun dan tha ngaihsan' te leh kan thutlungte hre reng hian keimahni hmung theuhah ka tih tur leh mawphphurhna theuh te hlenchhuak turin YMA programme ah chauh ni lovin, a bulthut chhungkua atangin kan Mizo nun ze mawi, aia upa zah dan te, chhiatni thatnia kan tih tur te inzirtir ila, a rah duhawm tak teltu tur chu khawtlang mipui leh YMA-te kan ni si a..

Article :**KANGHMUN OPERATION 1967**

- F.Lala

Tuntum chu, Mizoram buai laia Kanghmun Operation chungchang hi han sawi ve ila. Khang hun laite kha, tunah chuan khua rei alo chang mai dawn ta si a. Tunlaia THANGTHARTE hriat atan ka han tarlang ve hram teh ang.

Mizoram ZALENNA (Independent) a sual laia, mipui te manganzia kha tunlaia Nula leh Tlangvalte hian hria an awm tawh lova, an tan chuan hmanlai thawnthu ang mai a ni tawh mai dawn si a.

Mizoram chuan Dated 1st March 1966 khan Independent a lo puan tak avangin Mizo Nula leh Tlangvalte chu mahni hnam chhanin ramhnuai lamah Underground in kan kal chum chum mai a. India sawrkar chuan, Mizoram Independent a puan chu a pawmpui thei lova. India sipaite chuan Mizo hnam sipaite chu tih chimih tumin, man emaw, kahhlum emaw turin min bei ta a. An tamin Ralthuam an nei tha si a. Chuvang chuan Ramhnuai lamah kan awm a ngai ta a ni. India sipaite chuan kan khua-te an hal a. Kan Buh In te halin thingtlang lamah phei chuan phei chuan a remchanna apiangah khua chu an sawikhawm bawk a. Kan tuarna hi nasa tak a ni a. Sawifiah mai theih pawh a ni lo.

Kum 1967 Chrismas chu lo in her chhuak dawn ta reng mai a. Hetih lai hian, India sipaite chuan Post nguet neiin REIEK ah awmhmun an bengbel hle tawh a. Darlung khuaah pawh India sipaite hi Camp neiin an awm tawh bawk a. Hetih hunlai hian Mizoram (Ramhnuai sawrkar chuan, Mizoram chu State kan tih ang hian hmung li-ah a then a. Chungte chu :-(1) Phawngpui bung - chhim bial (2) Lurh Bung - Khawchhak bial (3) Run bung - Hmar bial leh (4) Dampa bung - Khawtlang bial ah te a then a ni.

Kanghmun hi, Dampa bungah, Chhawrpial District-a ni a. Kan DC chu Pu Rualchhina tuna Ex-Minister hi a ni a. Dated 23rd Dec 1967 ni hian, Mizo Army 'Z' Battalion Commander Pu R.Haleluia ho te chuan Reiek hmuna Sipai leh Darlung hmuna Sipait, Indian Army Post Commander-te chu lehkhape in, 'Keini chu Kristian kan ni a, kan NILIAN (Krismas) kan hmang dawn a. Dated 23rd Dec 1967 atanga Dated 26th Dec 1967 Dar 12 Midnight thleng hian inkap lovin hun tha i hmang ang u', an ti a. Kanghmuna Krismas hmang tur anni tiin fel takin lehkhape in pe ta a. Hetiang chiah hian India sipaite pawhin an lo zawm ve a. Buaina a awm lo.

Amaherawhchu, Darlung a India Sipaite chu Ni 24th Dec 1967 hian Petrol-in

Bunghmunah an lo kal a. Keini hi Duty in Bunghmun ah chuan kan awmlai a ni a. DC staff kan ni a, Kanghmun hian hetihlai hian DC office chu kan hung ve bawk a ni. Darlung sipaite hian buaina an siam lova, tumah an man bawk lova an haw leh mai a. Kan DC Pu Rualchhina ngaihdan chu a ni chiah lova, Buaina erawh a awm lo.

Nimahsela, Dated 26th Dec 1767 a lo thlen meuh chuan, thil a danglam hle mai. India Sipaite chu 'Z' Batallion chu man (Hupbarh) tumin an lo inchah khawm a lo ni a. Darlung sipaite pawh khan thil awmzia an finfiah lek a lo ni a. Inkahhai hun tiam a zawh ni chiah Ni 26th Dec 1967 zanlai pelh chuan India sipaite chuan Reiek atanga Darlung kawngpui channa khan tha zawng zawng leh Luipui TLAWNG leh TUT a luichhuah tha deuh leh tlangkhan tha zawng zawngah te chuan Ambush position lain an lo in zar pharh vek a lo ni a.

Dated 27th Dec 1967 khawvar hmain Kanghmunah pawh namen lova tam India sipaite chu an lo lut ta a. Mipui an khawm a. Kei chu ka thianpa Biaka nen Tuikhur thlenga kan bukah kan riakchhuak a. Khawvar hnuah khua lut tura kan kal lai chuan Silai puakrang hi a ri ta zawt zawt mai a. Sipai in an man zinga mi Pu Thanglura tlanchhuak an kap zui a lo ni a. An kap fuh lo hlauh a ni. Hemi tum hian Pu Zohmangaiha tuna IRS (Rtd) pawh hi an man zingah a tel ve a. Nimahsela, vanneihtlhak takin sipai duty namthluin a tlanchhuak ve thei ta a. Amaherawhchu, kan DC leh ADC Pu Liangghawra te thlenin pa Pu Dengrawia chu sipaiin an vawhlum a. A thih hnuah an kap a, kahhlum angin an kaltir an ti a ni.

India sipaite chuan 'Z' Batallion awmna a hruai turin Kanghmun khaw tlangval tleirawlte chu an tilui a. Mizo sipaite awmna hmung hi 'BAWNGTHLUK RAM' an ti a. Chumi hmung chuan Krismas chu an hmang a. Vawk leh Bawng an talha, an hlim ve hle a ni. Khua atanga mel thum vel a ni an ti a. India sipaite hian dan chu an bawhchhe lova, huntiam ral hnuin chet an la ta a ni. Mizo sipaite khan hun tiam chhung khan an hmung hi lo chhuahsan sela chuan buaina lian hi kan tawk lo mai thei a ni.

(Issue leh ah chhunzawmna a ni ang)

KHUANGCHERA

YMA Run bula zun in an siam theih nan electric ban sawmsaktu Pu C Lalzarliana, Branch Treasurer leh a thawhpuit chungah lawm thu an sawi. Tin, ban sawn nana ram petu Presbyterian kohhran chungah lawm thu an sawi bawk.

An member class XII pass-te an lawmpui a. Hengte hi an hriat theihte an ni :

Lalnunhlima s/o T Tlangthianghlima (III)
Lalremmawii d/o Lalthianghlima (II)
Lalrempui d/o Lalbiakliana (II)
Lelremsangi s/o Lalthlamuana (II)
Lalmalsawmsangi d/o F Zosanga (II)
Gospel Rimawia s/o Lalduhawmi (II)
Vanlalhriata s/o J Lalhumhima (III)
Lalmuansangi d/o Ramthazuali (II)
Zothanpui d/o F Lalrova (II)

Henry Lalmalsawma s/o THVL Lawmsanga (I)
Veng chhunga rawn awm thar turten YMA pem lehkha dik tak an nei tur a ni a. Chuti ang nei chauh chu inluah turin chhungtin an ngen.

Ni 20.4.2011 (zirtawpni) zing khan committee thuin, ADVA-in Chamari West Indoor Stadium-a season kharna tournament a siam turah thingpui dawr siama inhlawh ni se tih an rel a. Hemi atan hian member-te hun lo insiam turin an ngen.

NEUVA

Ni 25.4.2011 (thawtanni) hian hruaituten bungraw en fel hnatlang neih tur a ni a, Rs 50 ken khawm theuh tur a ni.

An section huam chhunga hmun thim laiah zu leh ruihlo tih a hluar thar hle a, heng ruihlo ti thinte hi ti tawh lo turin an hriattir.

An section chhunga class XII pass-te an lawmpui a. Hengte hi an hriat theihte an ni :

Lalchhanmawii d/o Lalrinchhana (II)
Remlalnghaki d/o Lalthakima Ralte (II)
K Lalbiakkimi d/o K Lalthakimia (III)
Lalsawimawii c/o RD Thangliana (III)
Lalngaihzuali d/o Lalbiakzuala (III)
Vanlalruati d/o K Laldawnglani (III)
Baby VL Hriattiri d/o R vanlalvena (III)
Rosy Lalremsangi d/o R Vanlalvena (III)
Mary Lalbiaknungi d/o B Samuela (III)
Lalrammawii d/o Zaluta (III)
H Lalngaihawma s/o H Vanlalruata (III)
Vanlalnghaka s/o Lalthanhrla (III)

CHAWNGBAWLA

Thawtanni khan Pu K Lalthakima Inah committee thuin, member 24 an kal.

(CH-Sect. report chhunzawmna)

Bungraw incharge atan Tv HV Lalremruata an ruat a, bungraw hawh turten ziakin leader emaw Secretary emaw bungraw incharge emaw hnenah dilna thlen thin tur a ni. Committee chuan bungruate bothlau lo leh tlo zawka enkawl a nih theih nan a hawhtu apiangin uluk taka sawngbawl turin an chak a, tibo emaw tichhia emawten a man hu sum section-ah an pe thin tur a ni.

An section pem thar pahnih an nei a, Madanriting, Shillong atangin Lalramzauvi Khiangte chuan Pi Lianhipi in luahin, Pu Laldinthara inah Zotlang atangin Lalthakima a rawn lut bawk a. An pem lehkha hi branch-ah theh luh tawh a ni.

Ni 30.4.2011 (inrinni) nileng khian section thuttleng rawng hnawiha hnatlang neih tum a ni a, member-te he hun atana lo hun awl lo insiam tur a ni ang.

Section chhunga rawlther leh tlangvalte kokhawma hun hmanpui an tum a. Hetah hian awm dan mawi leh YMA thil tum inhrilhriata hlawk taka hun hman tumin ruahmannan a siam.

Tunhnaia section chhunga buaina chawk chhuak a, zan reia bengchheng thinte tihreh dan tur an sawi ho ang.

Class XII pass zawng zawngte duhsakna hlanin an lawmpui a. Pass tharte hi an la hriat kim loh avangin kar leh lamah rawn tarlan an tum dawn a ni.

VANAPA

An section atangin heng mite hian class XII an pass a, an lawmpui hle :

R Lalbiakhliu d/o R.Lalnunmawia (II)
Lalchawimawii Renthlei d/o
R Lalremsiama (III)
Lalbiakzuali d/o Biakzawna (L) (III)
Zothanpui d/o Lalpianthanga (II)
Laltlanmawii d/o Lalnunmawii (II)
F.Lalnunkimi d/o F.Lalramzauva (II)
Zothanpuia s/o C Lalramzauva (II)
Benjamin Lalnunmawia s/o
Vanlalchhandama (II)

Laldampui d/o Lalramhluna Hauhnar (III)
Lalnuntluanga C/o Lalrinnungi (Distn)

Nimin khan Bungraw dahna in zauh hnatlang an nei.

Thawhlehni zan khan Biaknguri (48) Khawzawl Zuchhip Veng thluaka Khawsik lut vanga Durtlang Damdawiin a thi chu a nau te inluah Pu Lalpianthanga te in atangin Khawzawl lamah thlahliam a ni.

TAITESENA

An section atangin heng mite hian Class XII an pass a, an lawmpui hle : C Vanlalruati d/o C Sangkhuma (Distn, Commerce, top 3)
Lalhriatpuia s/o Lalvuana (I)
Lalhmachhuana s/o

Michael Zoramthanga (I)

Lalthamawii d/o Lalfakthanga (I)

Malsawmkima s/o Sangmawii (I)

PC Lalbiaknii d/o PC Lalchhanhima (II)

Zothanpuia Khiangte s/o K Lalsangzuala (II)

Krosthanga s/o Ngurzika (II)

Lalrinzuali d/o R Vanlalduha (II)

Lalrinchhani d/o K.Lalremruata (III)

Lalrinchhana s/o R.Zasanga (III)

R.Lalhriatkimi d/o RL.Thanhnuna (III)

Esther Lalremluangi d/o Lalbiakthanga (III)

PC Lalthanmawii d/o PC Lalremsiama (III)

Section chhunga Matric pass te report kan dawn mumal loh avangin kan tilang kim thei lova, nu leh pa leh zirlaithe hriathiamna kan ngen e.

Chhiatni Fund leh YMAAW man khawn mek zel a ni a, chhungintre aranglama tifel tur leh bial neitute a khawn lampanga tan la sauh sauh turin an in chah.

MUP NEWS

Chanmari West MUP member MUP General Assembly a kal kum 80 chunglam, Reception a hming pe lut chawimawina la dawng lo te chuan Pu B.Savunga, President hnenah inhriattir a hming ziah luh tur a ni.

Sahuan kalna thlalak khul duh chuan `10/- in Pu Ramzauva leh Pu B. Savunga hnenah a khul theih e.

Vawk vulh Society

Kah rai aia tha vawk pa thain a thlah ngei vawk no te tha duh tan ngaihven theih a ni a. Enchhin a ni tawha a tha tawk tih fiah a ni. A duh chuan Pi Buangpuii hnen atangin vawk no te lak hun a awm a, ngaihven hma loh chuan a chan loh palh a awm thei.

CONCERT FOR SOUL

AN EVENING WITH

Drop Doubt, Dr.Luke, LJS', Steward, Andrew, Henry, TBC, Freddy, Chhantea, Zo-a, Maggie, RC-i, Fiona, Melody, Baby, MKI

28th April, 2011, 7:30p.m.

Location : Chanmari YMA Hall

Ticket : ` 20, ` 50, ` 100

Orgd. By : Jona Group

Chanmari West Branch KTP

LOCAL COUNCIL NEWS

Local Council Meeting chuan Motor lian leh te hi karkhat chhungin Bawlhhlawh pahin vawi 2 ve ve tlan tawh turin a ti a. Thawhleh leh Zirtawpni a piangin an tlan tawh ang. Tin, Bawlhhlawh pahih Vengdang te pawhin Commercial lam thil leh leivung lam chi hi pahih an phal lova, chuvangin keini veng pawhin hetiang lam chi hi pahih tawh lo tura mipui hriattir kan ni.

Natioanal Highway PWD chuan thawtanni atangin Chanmari West ramchhung kawngchhak lamah side drain an rawnlai dawn a, motor silna hmun zawng zawng leh Vawk-in te, kailawn hnawkte leh motor chhe ding te lo in saseng vek turin Local Council chuan a ngen a ni.

Neuva Section huam chhung a Biakkungi Gas Agent-a Connection nei zawng zawng te Pu H.Laltanpuia hnenah in report vek tur a hriattir kan ni e.

ITANLIAULIAU

Saptawng thiam i duh em? Communication Skills, Interview Skills leh Personality Development atan a tha em em Spoken English course chu Alpha Skills Intitute chuan a hawng leh ta. Zirlai leh hna zawng lai te tan a tangkai a, zir duh hrim hrim tan pawh hlawkpui na a ni. He Institute hnuua zir chhuak ten Mizoram chhung leh pawn ah hna tha tak tak an thawk mek a, he hun tha hi rawng nang ve turin kan duhsak a che. 25th April, 2011 atangin Alpha Skills Institute, ICFAI Univ. Buildg, Chaltlang Dawrkawnah passport size thlalak 2 leh documents kengin Admission tih nghal theih a ni.

Admission Fee - Free.
Monthly Fee - ` 400/-
Class tan hun - 9th MAy, 2011.
Course Hun chhung - 3months.
1st Shift : 9:30 - 11:30 A.M.
2nd Shift : 12:30 - 2:30 P.M.
3rd Shift : 3:00 - 5:00 P.M.

Hrechiang duh tan Contact No :
9862575100,9856836080
9862133075

IN LUAH TUR DUH

Chanmari West huam chhungah chhungkaw member 3 luah tur In ruak ` 2000/- aia to lo tur duh a ni a, a nei chuan ahnuia mi hnenah hian min hrilh theih chuan kan lawm hle ang.

Lalthanguri
10+2 Teacher,
New Horizon School
Ph : 9862331608

CWSC NEWS

ADFA Season Ending Football Tournament Ramhlun Sport Complex a neih mek ah Ni 26 April 2011 Dar 9:00 hian Sporting Club Footbal team leh Electric Veng FC inkhelh tur a ni a, veng mipui te players tawiawm turin an chah.

Aizawl North III MLA Volleyball Running Trophy Zarkawt a khelh zawh takah Hunthar Branch hneh lovin Chanmari West branch YMA team te chu Pahnihna kan ni a, he tournament chhuah theih nan a Players te leh Club hruaitu bakah pawisa a tanpuiti Congress Unit II Chanmari West chungah lawmthu an sawi tak meuh meuhan a ni.

ADVA Season Ending Volleyball Tournament kan veng Indoor Stadium ah 2-7 May 2011 hian neih ani dawn a, Volleyball Player te ngawrh leh zual a practice tur a ni e.

AIZAWL NORTH ACADEMY EVENING CLASS (MBSE Course) ADMISSION OPEN

Gov't Aizawl North College, Chaltlang

CI-X : Free Admission
(Regd.Fee Rs 100/-)

Last Result - 76% (Special)
Last date of Admission

: 15th May 2011

CI-XI-XII(Art & Science)

Arts : Eng, Mizo, Pol.Sc./ P.A, Edn, Hist, Socio,Geo.

Science : English, Mizo, Phy, Chem, Bio, Maths.

(CI-XI & XII tan Scholarship dil theih a ni)

Class Timing : 3:30 - 5:45PM.

Contact :

(2-1) 8014448821/9862355203

i-One Multi-Brand

TV + USB support, LCD/LED + Tata Sky free, Washing Machine, Fridge, Inverter, Microwave Oven, Fire Extinguisher tha leh tlawm kan nei e. SCOOTY leh LCD 32" man theihna Coupon kan pe tel bawk.

i-One
Multi-Brand
Vaivakawn

Near : Zotlang peng
Ph:9862492830

(4-1)

HETAH HIAN SMS LA >>9774170328<<

Gas a lo thlen hian puan hmain sem chin tur hi chian hmasak theih thin ni thei se a va tha ve. Puan sual a tam hle mai, hmun hla a awmte kan in pu sual zing khawp mai, fimkhur tawh teh se.

986257_80

Kan veng damdawi dawr pakhat hi vengdang thalai in an hre lar tawh lutuk, veng a ti hmingchhe tlat. Engtia tih chi nge maw ni le.

977463_61

Kan veng mi tam zawk hi chu ruahsur hian kan mizia a rawn lang leh thin. Thenawmte emaw, kawmthlang te emaw tan hnawksak lo ila bawlhhlawh pawh a pahna motor ah chiah pahih thin ila kan vengchhung hi a nuam zual sawt ang.

977449_09

Zuang Tuikhur ah lirthei sil thin kha phalloh a ni tih kan hriattir a che. Tuikhur bula awm vang mai a huangtau loh tur.

961231_79

V-Section a Fly Step tur Signboard a alan dan chuan ` 250000/- man chu 'Construction of Fly Step from Upa Thanmawia House to Zonal Chanmari' tih a ni a, mahse step hmuh tur a awm lo. Kawr ringawt siam a ni a, chu pawh chu Zonal Chanmari thleng lo in. Implementing Agency, VC Chanmari West a in ti lehngthal !! He hna hi a inziak ang hian Step hian han pawh se a tha tur a ni. An siam tawh dawn lo nge vawkin a ding ta daih mai!!!

879415_25

CH leh V-Section te hian bawlhhlawh pahih Motor lian deuh hlek hi chu kan va mamawh ve le.

943619_02

(SMS kan dawn te hi Ed. Bd ngaihdan a ni vek kher lo)

MORNING CLASSES (MBSE COURSE) CL- X, XI - XII (Arts)

Aizawl west College chuan Gov't Aizawl West College, Dawrpui Vengthar-ah 2011 - 2012 Session atan CL- X, XI - XII (Arts) admission a hawng mek :- Class Timing :- 6:00 - 8:15 A.M. Saturday Test :- 6:30 - 8:30 A.M.

Cl-X tan admission FREE a ni. Registration Fee ` 100/- leh Cl-IX Testimonial ken a ngai. Cl-XI leh XII tan Scholarship a dil theih e.

Contact :
9862365768 / 9862336289
(2-1)